



NA PRAVOM MJESTU U PRAVO VRIJEME!

Pravila nagradne igre "Na pravom mjestu u pravo vrijeme"

1. PRIREĐIVAČ NAGRADNE IGRE

Nagradnu igru „Na pravom mjestu u pravo vrijeme“ organizira i provodi: McCANN d.o.o. u ime klijenta Bingo d.o.o. (u daljem tekstu Priređivač), sa sjedištem u ulici Zmaja od Bosne 74, 71000 Sarajevo, PDV broj: 200130360002, a u skladu sa članom 17. Zakona o igrama na sreću („Službene novine Federacije BiH“ broj 48/15 i 60/15).

2. TRAJANJE NAGRADNE IGRE

Promocija i nagradna igra počinju 03.07.2017. godine i traje do 01.08.2017. godine.

3. PODRUČJE ORGANIZIRANJA I PROVOĐENJA NAGRADNE IGRE

Nagradna igra se organizuje i provodi u Bingo City Center-u, Mitra Trifunovića Uče 2, Tuzla.

4. PRAVO NA UČEŠĆE

U promotivnoj nagradnoj igri mogu učestvovati sve osobe sa prebivalištem i registrovanim boravištem u Bosni i Hercegovini. Pravo učešća nemaju zaposlenici Priređivača, osobe zaposlene u bilo kojoj radnji koja se nalazi u Bingo City Center-u, kao ni osobe koje su angažovane od strane Priređivača u realizaciji nagradne igre (predstavnicima marketinške agencije, hostese, koordinatori, fotograf i drugi). Dobitnici nagrada pružit će sve informacije i dokumente potrebne Priređivaču da bi se mogla primijeniti Pravila i ostali odgovarajući zakoni.

5. SVRHA ORGANIZOVANJA NAGRADNE IGRE

Promocija i nagradna igra se organizuju u svrhu promovisanja Bingo City Center-a i podsticanja prodaje u prodavnicama samog Centra.

6. NAČIN UČESTVOVANJA

Za učestvovanje u nagradnoj igri, neophodno je posjetiti Bingo City Center u periodu od 3.7. do 1.8. i može se učestvovati u igri na dva načina:

- Obaviti kupovinu u bilo kojoj prodavnici BCC-a (bez obzira na iznos računa) čime kupac automatski postaje učesnik u nagradnoj igri, jer svakog dana navedenog perioda, Priređivač slučajnim odabirom nagrađuje 2 kupca - dnevne nagrade
- Slikati se uz ljetnu postavku/set koji će posjetiocyte dočekati na centralnom trgu unutar BCC-a i objaviti fotografiju na oficijelnoj FB stranici Bingo City Center, jer se svake sedmice slučajnim izvlačenjem nagrađuje 1 osoba - sedmične nagrade

7. NAGRADNI FOND

Opis nagrade	Količina	Tržišna vrijednost	Nagradni fond ukupno KM
DNEVNA NAGRADA Poklon vaučer za kupovinu u BCC-u	60	50,00 KM	3.000,00 KM
SEDMIČNA NAGRADA Poklon vaučer za kupovinu u BCC-u	4	100,00 KM	400,00 KM

Ukupna novčana vrijednost nagradnog fonda iznosi 3.400 KM sa uračunatim PDVom.

Nagrade, odnosno, poklon vaučeri dodijeljeni u ovoj nagradnoj igri, moći će se iskoristiti isključivo u prodavnicama Bingo City Center-a i ne mogu se zamijeniti za novac.

8. ODABIR I IZVLAČENJE DOBITNIKA NAGRADA

Odabir dobitnika dnevnih nagrada, za obavljenu kupovinu, vrši se svaki dan u BCC-u tokom trajanja nagradne igre (3.7. - 1.8.2017) i to slučajnim odabirom 2 kupca koji se u određenom terminu nađu na kasi u nekoj od prodavnica. Termini za slučajni odabir dobitnika nagrada su svaki dan drugačiji i poznati su samo Priređivaču nagradne igre. Tokom trajanja nagradne igre (30 dana), bit će odabrana svaki dan po 2 dobitnika, što je ukupno 60 dobitnika dnevnih nagrada. Odabir dobitnika sedmičnih nagrada, za slikanje uz ljetnu postavku/set i postavljanje fotke na FB BCC-a, vrši se kroz internet aplikaciju slučajnim izvlačenjem dobitne fotografije, odnosno, dobitnika koji je postavio fotografiju. Izvlačenje se vrši svakih 7 dana, tačnije 10, 17, 24 i 31.7. čime imamo 4 dobitnika sedmičnih nagrada. Ispravnost sedmičnih izvlačenja će nadgledati komisija Priređivača sačinjena od tri člana.

9. OBAVJEŠTENJE DOBITNIKA I PREUZIMANJE NAGRADA

Dobitnike dnevnih nagrada će obavijestiti hostesa na licu mjesta, odmah nakon obavljene kupovine. Tom prilikom, odabrani dobitnici će biti upućeni u pravila nagradne igre, te ukoliko se ne slažu s njima, Priređivač bira novog dobitnika, po istom principu.

Dobitnici sedmičnih nagrada će biti obaviješteni putem FB stranice Bingo City Center, u roku od 1 dana od dana izvlačenja. Ukoliko se dobitnici sedmičnih nagrada ne jave u roku od 3 dana na poruku koju im uputi Priređivač putem facebooka, izvlače se i obavještavaju rezervni dobitnici. Nagrade se preuzimaju uz predočenje ličnih dokumenata.

Dobitnici nagrade mogu preuzeti u dogovoru sa Priređivačem.

Imena dobitnika će biti objavljena na FB stranici Bingo City Center nakon završetka nagradne igre.

Nagrade će biti uručene samo ako dobitnici nagrada imaju pravo da učestvuju i ako u potpunosti prihvataju ova Pravila.

U slučaju spora između Učesnika u igri i Priređivača nadležan je Općinski sud u Sarajevu.

10. SAGLASNOST

Učešćem u nagradnoj igri Učesnici u potpunosti prihvataju ova Pravila i saglasni su da njihova imena, adrese i fotografije, mogu biti korišteni i objavljeni kao foto, audio i video materijal od strane Priređivača i njegovih pridruženih agencija i partnera koji direktno učestvuju u nagradnoj igri. Učestvovanjem u nagradnoj igri, učesnici daju dozvolu Priređivaču da koristi njihova imena i/ili ličnost radi reklame ili prodaje bez kompenzacije.

11. OTKAZIVANJE

Priređivač ima pravo da uz javno obavještanje i uz prethodnu saglasnost mjerodavnog tijela koje je izdalo odobrenje za provođenje nagradne igre, jednostrano otkaze nagradnu igru u bilo kojoj fazi ukoliko ustanovi da je došlo do materijalne povrede ili zloupotrebe pravila nagradne igre ili ukoliko je došlo do događaja koji imaju karakter više sile.

U slučaju otkazivanja ili prekida nagradne igre neće se nadoknađivati troškovi ili eventualna šteta učesnicima u nagradnoj igri, niti će se nagradna igra održati.

12. ZVANIČNA PRAVILA NAGRADNE IGRE

Učešćem u nagradnoj igri svi Učesnici prihvataju da ih ova zvanična Pravila obavezuju. Odluke Priređivača donesene prema Pravilima o provođenju nagradne igre konačne su i obavezujuće za sve Učesnike.

Pravila će biti objavljena u jednim dnevnim novinama dostupnim na teritoriji Federacije Bosne i Hercegovine, na FB stranici Bingo City Center te na web stranici www.bingocitycenter.ba nakon odobrenja Federalnog ministarstva finansija.

Broj Rješenja: 05-14-2-489/17-T.B.

Datum: 29.06.2017. godine



SVI SUTU,
gdje želje ožive